

道光遵義府志

遵義府志卷十五

蜀郡義濟一編澤州府

自漢文帝賜天下田租之半蠲貸之令不絕書而蜀
中特蠲之詔漢迄唐不見諸史遵義在蜀一隅更所
勿論至宋中葉施舍之典乃稍稍及徽宗政和三年
以復湊播降德音於梓夔路元成宗大德七年以荆
湖川蜀供給軍餉減免差稅有差武宗泰定卽位各
減免播州差發差稅一年明永樂四年免播州荒田
租神宗平播蠲四川加派田租逋賦然特以挽輸繁
重或無名不急間從蠲減惟我

國家子惠元元

深仁厚德普天率土罔不敬承蜀徼黔陬尤厪

宵旰全蠲半免疊沛

絲綸窮鄉僻壤黃口華顛胥舍哺鼓腹嬉遊于

湛恩汪濊中固非前代之行慶施惠所能媲其萬一也謹
依次條舉而地方養濟漏澤諸政附卷末焉

順治十八年正月初九日欽奉

恩詔內開

一軍民年七十以上者許一丁侍養免其雜派差役八十
以上者給與絹一疋綿一觔米一石肉十觔九十以上者

倍之

康熙三年六月欽奉

恩詔內開

一直省順治十五年以前拖欠銀米等項錢糧概行蠲免
康熙四年三月初五日欽奉

恩詔內開

一直省順治十六十七十八年各項舊欠錢糧著照蠲免
十五年以前錢糧一體蠲免其鹽課積逋催徵不得者著
察明亦准酌量蠲免

康熙八年十一月二十五日欽奉

恩詔內開

一康熙元二三年各直省地丁正項錢糧拖欠在民不能完納者該督撫察明奏請豁免
一各處養濟院所存鰥寡孤獨及殘疾無告之人有司留心以時養贍無致失所

康熙二十五年奉

上諭自古帝王撫馭九有軫念民依凡鞠謀生養爲計甚周猶以賜復蠲租爲布德行仁之要務朕嘉與海內元元共圖樂利弛徵減賦時屢於懷惟頻渙恩施俾萬姓得沾實惠念直隸幾輔重地天下根本寬租之詔屢沛往年但順

永保河四府較之畿南諸府差役倍多供億尤劇應再加軫恤又湖廣湖南福建四川貴州地方昔年爲賊竊踞民遭苦累今雖獲有寧宇更宜培養以厚民生一體蠲免用昭愷澤直隸順永保河四府及四川貴州兩省所有康熙二十六年應徵地丁各項錢糧俱着蠲免二十五年未完錢糧亦着悉與豁免湖廣湖南福建兩省所有康熙二十六年下半年二十七年上半年地丁各項錢糧及二十五年未完錢糧亦與盡行豁免爾部速行該地方官速行曉諭務使人民均被恩賞以副朕愛育蒼生至意如有不肖有司官役借端朦混及私行重徵者該督撫指名題參從

重治罪如該督撫徇隱不行糾舉或經參奏或被告發定行一併從重治罪爾部卽遵諭行特諭

康熙二十七年十月二十三日欽奉

恩詔內開

一軍民七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之

一各處養濟院所存鰥寡孤獨及殘疾無告之人有司盡心以時養贍無致失所

康熙三十二年奉

上諭朕撫馭寰宇蚤夜孜孜惟以實惠及民俾登康阜爲念
廣西四川貴州雲南四省俱屬邊地土壤磽瘠民生艱苦
與腹內舟車輻輳得以廣資生計者不同朕時切懷軫歷
歲以來屢施恩恤廣西省康熙十六年通省錢糧十七年
十八年民欠錢糧貴州省二十二年秋冬及二十三年春
夏地丁錢糧又貴州四川二省二十五年未完及二十六
年應徵錢糧雲南省二十七年以前屯地積欠錢糧俱經
次第蠲豁茲念育民之道無如寬賦矧邊省地方非再沛
優恤之恩則閭閻無由充裕所有康熙三十三年四省應
徵地丁銀米着通行蠲免仍行文該督撫徧加曉諭令人

沾實澤以稱朕嘉惠遠省民生至意如有不肖有司借端朦混私自徵收者該督撫指名奏劾從重治罪爾部卽遵諭行特諭

是年四月又奉

詔免雲南貴州四川均賠無着鹽課銀一萬九千餘兩

康熙四十二年四月十八日准戶部咨四川清吏司案呈康熙四十二年三月十八日恭逢

恩詔內開一恤民以免錢糧爲要是以直隸各省錢糧屢經蠲免但雲南貴州四川廣西四省俱屬極邊之地朕未經巡視數年以來又未曾蠲召錢糧宜更施恩澤這四省康

熙四十三年應徵地丁各項錢糧通著蠲免該部速行文
地方官員徧行曉諭務使小民得沾實惠欽此欽遵爲此
台咨前去遵行

恩 詔內事理欽遵施行

是年欽奉

恩 詔內開

一軍民年七十以上者許一丁侍養免其雜派差役八十
以上者給與絹一疋綿一觔米一石肉十觔九十以上者
倍之百歲者題明給與建坊銀兩

一各處養濟院所有鰥寡孤獨及殘疾無告之人有司畱

心以時養膽母致失所

康熙四十八年三月十一日欽奉

恩詔賜老人絹綿米肉悉如四十二年

恩詔之數

康熙四十九年十月初三日奉

聖祖仁皇帝詔曰朕躬膺

天眷祇承

列祖鴻庥統馭萬方子育兆庶厯懷致治宵旰靡寧幸際海
宇同風邊隅向化遐邇中外貼然衽席之安者皆仰荷

天地

祖宗福祐之致也方朕八齡踐阼之初

太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民爲邦本勤恤爲先政在養民蠲租爲急數十年以來除水旱災傷例應豁免外其直省錢糧次第蠲蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次釐革外無師旅餉饋之煩內無工役興作之費因以

歷年節省之儲蓄爲頻歲渙解之恩膏朕之蠲免履行而無國計不足之慮亦恃此經畫之有素也比來省方時邁已歷七旬南北人民風俗及日用生計靡不周知而民生所以未盡殷阜者良由承平旣久戶口日蕃地不加增產不加益日用不給理有必然朕洞矚此隱時深軫念爰不靳敷仁用甦民力明年爲康熙五十年思沛大恩以及吾民原欲將天下錢糧一概蠲免因眾大臣集議恐各處需用軍餉發解之際兵民驛遞誼致煩苦細加籌畫悉以奏聞故自明年始終三年以內通免一周俾遠近均沾德澤直隸奉天浙江福建廣東廣西四川雲南貴州各巡撫及

府尹所屬除漕項錢糧外康熙五十年應徵地畝銀其七百二十二萬六千一百兩有奇應徵人丁銀共一百一十五萬一千兩有奇俱着察明全免並歷年舊欠共一百一十八萬五千四百兩有奇俱着免徵其五十一年五十二年應蠲省分至期候旨遵行民間舊欠既經豁免嗣後每年額徵錢糧務如數全完倘完不及額或別有虧空託稱民欠則負國甚矣卽責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟朘削則閭閻咸得衣食滋殖無有失所而爲官吏者亦身名俱泰豈

非昇平樂利之盛事歟爾部移文各督撫諭旨到日卽刊刻頒布通示窮簷令咸知悉特諭

康熙五十二年三月十八日欽奉

恩詔內開

一海宇承平已久戶口日繁地畝竝未加增宜施寬大之恩共享恬熙之樂嗣後直隸及各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定爲常額續增人丁永不加賦用副朕休養生息之至意

一天下地丁錢糧旣沛恩澤于三年內悉與豁免其自京

城及各省房地租稅多係貧民賃僦官地棲身營業宜併蠲恤以覃恩惠著察明京城內併各省每年地租額數于康熙五十三年豁免一年其歷年遺欠若干一併察明免其追補

康熙六十一年十一月二十日欽奉

恩詔內開

一各省民欠錢糧著該部查明具奏其年久應免者候旨豁免

一軍民年七十以上者許一丁侍養免其雜派差役八十以上者給與絹一疋綿一觔肉十觔九十以上者倍之

雍正元年正月十二日奉

上諭老人九十以上者州縣不時存問其或孤寡及子孫貧不能養贍者督撫以至州縣設法卹養或奏聞動用錢糧務令得霑實惠

是年八月十三日欽奉

恩詔內開

一地方災傷已經查勘蠲免賦役者有司不遵仍行濫派及但免有力之家致窮民不沾實惠者事發決不饒恕一直隸各省婦女年七十以上者給與布一疋米五斗十以上者給與絹一疋米一石九十以上者倍之百歲者

題明給與建坊銀兩

一各處養濟院所有鰥寡孤獨及殘疾無告之人有同心以時養贍毋致失所

雍正二年五月奉

上諭各省督撫轉飭有司勸募好善之人於通都大邑人烟稠集之處照京師例設立普濟堂育嬰堂養老存孤

雍正七年閏二月十三日准戶部咨爲欽奉

上諭事陝西清吏司案呈內閣抄出奉

上諭朕愛養黎元遐邇一體而邊遠之地小民家計不及近省尤朕心之所繫念數年以來甘肅四川雲南貴州廣西

五省有用兵西藏及勦撫苗蠻等事其一應軍需皆動用
公帑備辦秋毫不派及於民間而糧餉轉輸亦有資於民
力今藏地苗疆俱已寧謐朕心嘉慰特沛恩膏着將庚戌
年甘肅額徵地丁銀二十七萬七千六百兩零四川額徵
地丁銀三十一萬六千三百兩零雲南額徵地丁銀一十
四萬一千六百兩零貴州額徵地丁銀七萬四千二百兩
零廣西額徵地丁銀三十五萬三千九百兩悉行蠲免其
西安各屬地方近日亦有預備軍需之事朕心軫念着將
庚戌年額徵錢糧蠲免十分之三共計銀四十七萬九千
九百兩零此六省督撫大吏宜仰體朕心轉飭所屬有司

敬謹奉行務使閭閻均沾實惠如有奉行不力被不肖有司暗飽私囊或被奸胥士棍強紳劣衿包攬侵蝕者朕必訪聞得知將通省大小官員分別從重治罪至於國家設官本以理民官有恤下之責民有奉上之義若設官而不爲計及養廉之資則有司之賢者將窘迫而莫能支不肖者又將橫取而無所檢束矣是以酌定錢糧耗羨均給各官養廉之法此揆情度理上下相安之道但思加恩百姓豁免正賦若將耗羨一併蠲除是民雖邀格外之恩而官轉有拮据之苦上司或因此稍有寬假則必致巧取苛索於民流弊種種轉多於耗羨之數於吏治民生均無裨益

常見庸劣之地方官每以蠲免錢糧爲不便於已心懷悵
快卽此意也着於庚戌年爲始凡遇特恩蠲免錢糧者其
耗羨仍舊輸納諒必民所樂從若因水旱蠲免者不得徵
收耗羨將此永著爲例欽此欽遵於雍正七年六月十二
日抄出到部相應行文甘肅四川雲南貴州廣西西
安各省督撫遵奉

上諭事理將庚戌年甘肅四川雲南貴州廣西五省額徵錢
丁銀兩悉行蠲免西安蠲免十分之三部文到日地
方官着行徧爲曉諭務使小民均沾實惠如有奉
不力及借端勒索侵蝕情弊該督撫卽行指名題參

從重治罪仍將蠲免過銀兩細數造冊報部至耗羨銀兩仍舊照常徵收將各州縣衛所徵收過耗羨銀兩數目於歲底造冊送部查核並知照直隸等省及順天奉天二府自庚戌年爲始凡遇

恩蠲免錢糧者其耗羨仍舊輸納若因水旱蠲免者不得徵收耗羨永爲定例遵行可也爲此合咨前去查照
部內事理欽遵施行

是年三月

貴黔省標鎮協營生息銀三萬四千兩分貯營運以爲兵丁吉凶之需遵義協一千一百一十三兩七錢二分零

仁懷營一百九十兩三錢四分零

雍正十三年八月初三日奉

諭着將今年黔省錢糧通行蠲免其被賊殘害之州縣蠲免三年錢糧若有已徵在官者准抵下次應徵之額賦

是年奉

旨賑恤

賑恤難民口糧米折寒衣等項銀四十五萬一千二百三十八兩六錢一分三釐四毫七絲五忽

賑恤被水災民米折並借給牛具籽種銀四千七十八兩七錢九分五釐

一借給過難民牛具籽種銀二萬一百二十二兩五錢二分四釐九毫六絲一忽九微六塵
一借給復業難民麥種及運腳等項銀三千六百二十兩七錢四分七釐四毫九絲七忽六微
是年九月初三日欽奉

恩詔內開

一各省民欠錢糧係十年以上者著該部查明具奏候旨豁免

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者

倍之

是年十一月十二日欽奉

恩詔內開

一各處養濟院所有鰥寡孤獨殘疾無告之人有司畱心養贍毋致失所

是年十一月二十一日欽奉

恩詔內開

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者趙明給與建坊銀兩

乾隆十年六月初六日奉

上諭我朝

列聖相承深仁厚澤無時不加意培養元元以期家給人足
百年以來薄海內外物阜民康共享昇平之福朕臨御天
下十年於茲撫育蒸黎民依念切躬行儉約薄賦輕徭孜
孜於保治之謨不敢稍有暇逸常守節用愛人之訓凡以
爲民也今寰宇敕寧旣鮮糜費之端亦無兵役之耗所有
解部錢糧原爲八旗官兵及京員俸餉之所需計其所給
較之宋時養兵之費猶不及十之一二至於各處工程爲
利民之舉者取給於存公銀兩卽朕偶有巡幸賞賚所頒

亦屬無幾是以左藏常有餘積數年來直省偶有水旱朕加恩賑濟多在常格之外如前年江南被水撫綏安插計費帑金千餘萬兩凡此皆因災傷補救而沛恩澤者朕思海宇乂安民氣和樂持盈保泰莫先於足民況天下之財止有此數不聚於上卽散於下仰惟我

皇祖在位六十一年蠲租賜復之詔史不絕書又曾特頒恩旨將天下錢糧普免一次我

皇考旰食宵衣勤求民瘼無日不下減賦寬徵之令如甘肅一省正賦全行豁免者十有餘年此中外所共知者朕以繼志述事之心際重熙累洽之候欲使海澨山陬一民一

物無不均沾大澤爲是特降諭旨將乾隆丙寅年直省應徵錢糧通行蠲免其如何辦理之處着大學士會同該部卽速定議具奏欽此

部議請照康熙五十年例分作三年以次辦理

乾隆十一年正月初四日奉

上諭朕愛育黎元格外加恩將各省錢糧普免一次以爲休養萬民之計經大臣等酌議國家每年一定之經費皆取資於正賦應將各省分作三年蠲免則經費有賴而先後之間萬民均沾膏澤至於耗羨乃有司養廉及辦理公務之所必需應令照舊輸納朕已允行朕之逾格蠲免天下

正賦者所以藏富於民且使閭閻之間終歲不聞催科之擾也今正賦旣蠲而耗羨又令完納是官民仍有交關猶不免有追呼之擾若將蠲賦之年應徵耗羨一併緩至開徵之年按款完納使小民於交官之便完此些須不必兩次伺候於公庭亦勤恤民情之意著該部卽遵諭行竝將公用不敷之處作何抵撥酌議辦理各省督撫當董率有司善爲之勿因此又別生弊端也欽此

乾隆二十六年十一月二十二日欽奉

恩
詔內開

以上各員一丁侍養

其雜派差役

著給與絹一疋綿一筋米一石肉十觔九十以上者倍之
百歲題明給與建坊銀兩欽此

乾隆三十五年正月元旦奉

上諭朕寅承丕緒撫有萬方申旦求衣無日不以勤恤民依
爲念是以勸農省歲減賦追徵不靳多費帑金期閭閻共
臻康阜溯在乾隆十一年丙寅朕御宇周旬肇敷愷澤曾
恭依

皇祖普免天下錢糧恩例蠲除直省額徵正賦二千八百萬
兩有奇越在三十一年丙戌際當必世興仁益惟比戶饒
裕是計復下詔將應徵漕米省分照康熙年例概蠲一次

俾各倉箱盈衍倍積耕餘邇年以來寰宇乂安民氣和樂
惟

上天孚佑我邦家洊錫康年頒符綏屢朕祇膺

昊蒼鴻眷其可不究澤推仁以與我海內元元答茲

嘉貺我國家席全盛之模內外經費度支有盈無絀府庫
所貯月羨歲增因思天地止此生財之數不在上卽在下
與其多聚左藏無寧使茅簷蔀屋自爲流通迺者仰紹
列祖貽庥化成熙洽爲民藏富欣際斯辰且今年爲朕六十
誕辰明歲恭逢

聖母八旬萬壽普天忭祝慶洽頻年尤從來史冊所未有是

宜更沛非常之恩以協

天心而彰國慶茲用乘春頒令誕布陽和着自乾隆三十五年爲始將各省應徵錢糧通行蠲免一次其如何分年遞蠲之處着大學士會同該部卽速詳議具奏欽此

部議分作三年以次辦理

乾隆四十三年正月二十四日奉

上諭前因

聖母萬壽特宏錫類之仁普蠲各省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

仁慈之處現在部庫帑項又積至七千餘萬著再加恩自戊戌年爲始普蠲天下錢糧仍分三年輪免俾寰宇億兆人民仍得其被

慈恩永申感慕而朕終天罔極之忱雖不能仰副萬一庶幾藉茲稍展其如何輪派年分著戶部卽速悉心核奏遵行欽此

乾隆五十五年元旦奉

上諭朕賴

昊蒼眷佑旣逾古稀欣開八袞幸得小康時懷大惕自乾隆

十年以迄四十二年特沛恩綸普免天下錢糧業經三次
矣今歲屆朕八旬壽辰仰荷

天祖貽庥率土稱慶以至梯航重譯祝嘏來庭從古史牒實
所罕覩是宜廣宣湛闡敷錫兆民用叶崇禋以答

嘉貺著將乾隆五十五年各直省應徵錢糧通行蠲免其如
何按年輪蠲之處著大學士會同戶部卽速核奏遵行欽
此

部議請按各直省徵額將所屬各州縣次第搭配作
三次輪三年辦理

是年又欽奉

恩詔軍民年七十以上者賞給絹一疋綿一觔米五斗肉五觔八十以上者賞給絹一疋綿一觔米一石肉十觔九十以上者賞給絹二疋綿二觔米二石肉十二觔至百歲者題明

旌表竝加賞大緞一疋銀十兩均許一丁侍養免其雜派差役欽此

乾隆五十九年八月十五日內閣奉

上諭朕臨御天下五十九年仰蒙

昊蒼眷佑

列聖貽庥溥海昇平梯航向化重熙累洽惟日孜孜無時不

以敬

天勤民爲念行慶施惠錫祐延禧普免漕糧二次地丁錢糧四次而偶遇水旱偏裨隨時蠲租賜復賑貸兼施不惜帑項數千萬兩所以涵養生息子愛黎元至周且渥茲紹膺統緒明歲正屆六十年朕春秋二十五卽位誕敷大寶迄今八旬開四康強逢吉五代同堂景運增隆寰瀛寧謐享國之年幸週甲子壽祚延洪實爲今古罕覯之盛事此皆上蒙

昊貺駢蕃克膺備福覃敷恩澤加惠閭閻俾海寓子民共臻樂利所有六十年各省應徵漕糧著再加恩普免一次其

應如何分年輪免之處仍著該部核議具奏

是年十二月初三日奉

上諭前因六十年乙卯元旦日食上元月食雖薄蝕躔度可
以預行推測但稽古史傳所載遇有日食月食等事往往
下詔求言以示修省朕思

上天垂象固宜戒慎而應天以實不以文與其託諸空言孰
若施諸實政前已降旨普免天下應徵漕糧俾海宇子民
共臻樂利今思各省尙有節年民欠及因災帶緩未完銀
穀俱應按限徵輸者小民究因官欠未清未得遂其含哺
之樂朕仰邀

吳晉在位六十年震宇寧謐景運增隆丙辰年卽屆歸政今
若於朕臨御之年覃敷恩賚俾小民節年欠項廓然一清
得以戶慶盈寧其遊化宇以副朕子惠黎元敷錫延禧俾
普天羣黎無一負欠者莫大於是該部卽遵諭欽此

乾隆六十年九月二十三日奉

上諭前經降旨普免天下積欠令各該督撫查明具奏節據
各督撫等查奏各省未完節年地耗正糧等項共銀一千
七百十餘萬兩糧穀豆等項三百七十五萬餘石零俱已
加恩全行豁免內奉天山西四川湖南貴州廣西等省向
俱年清年款竝無積欠朕臨御六十年普免錢糧四次漕

糧三次其餘水旱偏災蠲賑兼施所費帑金不下萬億所有藏富閭閻爲小民謀生計者無微不至此等年清年款省分小民踴躍急公輸將恐後今轉以并無積欠未得一體邀恩不足以昭平允所有奉天山西四川湖廣貴州廣西向無積欠六省着加恩於下年正賦寬免十分之二該督撫等務宜董率所屬均勻減免酌定章程報部查核以副朕闡澤平施恩加無已至意欽此

乾隆六十年十月初八日奉

上諭朕臨御以來勤求民隱日有孜孜惟期藏富於民家給人足仰荷

吳若春佑

列祖貽庥寰宇昇平重熙累洽行慶施惠闡澤頻加節經費
免天下漕糧三次地丁錢糧四次其餘遇有偏災隨時蠲
賑不下千萬億兩近將各省積欠錢糧概行蠲免又復數
千餘萬兩所以子惠元元休養生息者至周且渥今朕紀
年慶符周甲丙辰元旦舉行歸政典禮爲嗣皇帝登極初
元大廷授受篤祐延釐寶爲曠古吉祥盛事允宜廣沛恩
綸俾薄海羣黎共沾湛愷本欲於新正傳位後降旨但思
二月閒卽屆開徵之期恐遠省接奉稍遲着卽將嘉慶元
年各直省應徵地丁錢糧通行蠲免以示朕與嗣皇帝愛

育閭閻同錫恩施至意其如何按年輪免之處該部查照
向例核議具奏施行欽此

部議請照乾隆五十五年例按各直省徵額將所屬
各州縣次第搭配作三次輪三年辦理

嘉慶元年

皇帝欽奉

太上皇帝恩詔內開

一軍民年七十以上者許一丁侍養免其雜派差役八十
以上者給與絹一疋綿一觔米一石肉十觔九十以上者
倍之

一名處養濟院所所有鰥寡孤獨及殘疾無告之人有司畱心以時贍養毋致失所

嘉慶四年十一月十九日內閣奉

上諭現屆長至

圓丘大祀

高宗純皇帝

升配禮成後自應仰推

皇考恩慈用敷惠闡因乾隆六十年以前各省積欠緩徵地丁耗羨及民欠籽種口糧銀兩并積欠緩徵民借米穀草束等項現在應徵者尙復不少著該部通行各省詳悉查

明將以上各款自乾隆六十年以前普行豁免俾寰宇羣黎同霑

遺澤於乾隆年間逋欠銀米等項永免追呼用仰副皇考六十年子惠元元至意即將此二條入於升配恩詔款內欽此

嘉慶十四年欽奉

恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之百歲者題明旌表

一從前各省偏災地方所有借給貧民籽種口糧牛具等項查明實係力不能完者著予豁免
一各處養濟院所有鰥寡孤獨及殘疾無告之人有司畱心以時養贍毋致失所

嘉慶二十四年奉

上諭朕自丙辰元旦仰蒙

皇考高宗純皇帝大廷

授璽寅紹

丕基兢兢業業旰食宵衣以勤求郅治所願者四海羣黎家給人足同臻康樂敬惟

皇考臨御六十年普免天下錢糧四次漕糧三次

湛恩汪濊淪浹民心朕嗣位以來亦思廣施闡惠大賚寰區始緣教匪不靖軍興孔棘繼以黃河泛濫屢舉大工十餘年間所費帑金數踰十千萬國家財賦歲有常經實有入不敷出之勢是以嘉慶十四年朕五旬正慶雖恩綸載錫而未能普惠閭閻此年仰荷

昊蒼垂祐稂莠蕩除萬方寧謐河流順軌久慶安瀾以正供所入謹制國用可無虞匱乏朕子惠元元深念損上益下之義俟將來府藏充盈仍欲覃敷渥澤明歲嘉慶二十四年爲朕六旬正壽宜先蠲除積逋俾小民戶免追呼共

享含哺之樂所有節年正耗民欠及因災緩征帶征銀數著該各督撫詳晰查明按照該省所屬之某州某縣實欠在民銀穀若干遞行開單具奏以次降旨豁免竝著先將此旨謄黃宣示城鄉村鎮咸使聞知俾官吏胥役無從影射侵欺以期膏澤下究用副朕惠鮮懷保仁壽斯民至意該部卽遵諭行欽此

是年欽奉

恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者

倍之至百歲者題明旌表

一從前各省偏災地方所有借給貧民籽種口糧牛具等項查明實係力不能完者著予豁免

一各處養濟院所有鰥寡孤獨及殘疾無告之人有司留心以時養贍毋致失所

嘉慶二十五年八月二十七日欽奉

皇上登極恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之

一各處養濟院所所有鰥寡孤獨及殘疾無告之人有司
畱心以時養贍勿致失所

嘉慶二十五年十月二十二日欽奉恭上

皇考大行皇帝

尊謚恩詔內開

一各處養濟院所所有鰥寡孤獨及殘疾無告之人有司
畱心以時養贍毋致失所

嘉慶二十五年十二月初三日欽奉敬上

皇太后尊號恩詔內開

一罰贖積穀原以備賑冬月嚴寒鰥寡孤獨貧民無以

爲生著直省各督撫令有司務將積穀酌量賑濟毋令
奸民假冒支領

道光二年十一月十六日欽奉冊立

皇后恩詔內開

一各省老婦有孤貧殘疾無人贍養者該地方官加意
撫卹毋令失所

十一月二十七日欽奉恭上

皇太后徽號恩詔內開

一各省民人有孤貧殘疾無人贍養者該地方官加意
撫卹如無室廬棲處該地方官酌設棲流所以便棲處

道光十一年貴州巡撫嵩溥奏桐梓水災七月二十七日奉

上諭嵩溥奏查勘被水情形分別撫卹一摺桐梓縣城廂內外被水情形甚重災民遑避山坡松坎等處竝損傷村民多名實堪惻憫該撫已飭碾動常平倉穀按戶散給口糧竝設粥廠賑賑著俟水退時卽督飭印委各員趕緊詳細查明被水戶口及淹斃人口若干給與修屋殮埋之費該撫務當認真經理嚴防委員及胥吏等從中舞弊總期帑不虛糜民沾實惠毋令一夫流離失所以副朕軫念災區至意欽此

戶部爲遵例等事貴州司案呈戶科抄出貴州巡撫
嵩溥題貴州省道光十一年分桐梓貴筑二縣賑卹
災民用過銀兩倉穀及應納糧銀分別蠲緩帶征一
案道光十二年七月十三日題閏九月二十五日奉
旨該部查核具奏欽此遵於本日抄出到部該臣等查得
貴州巡撫嵩溥疏稱黔省道光十一年分桐梓貴筑
二縣賑卹災民用過銀兩倉穀及應納糧銀分別蠲
緩帶征一案據布政司麟慶按察司李文耕糧儲道
郎葆辰會詳准貴西道移據遵義府知府于國琇署
桐梓縣知縣王鎮疆及各委員查明桐梓縣城廂內

外竝東蘆溱三里地方被水災居民共壹千肆百壹拾伍戶男婦大口肆千肆拾玖名口每名口撫卹壹月口糧穀叁斗共給過穀壹千貳百壹拾肆石柒斗小口叁千捌百陸拾柒名口每名口撫卹壹月口糧穀壹斗伍升共給過穀伍百捌拾石零伍升坍塌瓦房叁百零二間半每間照例給修費銀捌錢共給過銀貳百肆拾貳兩草房壹千叁百壹拾貳間每間照例給修費銀伍錢共給過銀陸百伍拾陸兩新站松坎等處被災居民共叁百零肆戶男婦大口玖百叁拾陸名口因離城遙遠穀難運往照例每名口月折

銀壹錢伍分共給過銀壹百肆拾兩肆錢小口柒百貳拾柒名口照例每名口月折銀柒分伍釐共給過銀伍拾肆兩伍錢貳分捌毫瓦房貳百叁拾壹間每間照例給修費銀捌錢共給過銀壹百捌拾肆兩捌錢草房貳百肆拾肆間每間照例給修費銀伍錢共給過銀壹百貳拾貳兩近城及松坎新站共淹斃大口玖拾玖名口每口照例給銀貳兩共給過埋葬銀壹百捌拾兩小口壹百肆拾陸名口每口照例給銀壹兩共給過埋葬銀壹百肆拾陸兩又城廂內外各處吃粥男婦大小共貳千陸百陸拾叁名口用過賑

粥碾動常平倉穀柒百柒拾肆石又新站松坎等處
吃粥男婦大小共陸百零肆名口用過賑粥米折銀
壹百伍兩叁錢又聞賑粥歸來近城伍拾貳戶共男
婦大小壹百叁拾名口補給撫賑壹月口糧穀叁拾
石零柒斗伍升又近城極貧來領者叁百捌拾肆戶
共男婦大口壹千叁百伍拾貳名口每名口加賑兩
月穀陸斗共給過穀捌百壹拾壹石貳斗小口一千
壹百玖拾叁名口每名口加賑兩月穀叁斗共給過
穀叁百伍拾柒石玖斗次貧來領者玖百叁拾玖戶
共男婦大口貳千捌百伍拾壹名口每名口加賑壹

月穀叁斗共給過穀捌百伍拾伍石叁斗小口貳千
陸百捌拾柒名口每名口加賑壹月穀壹斗伍升共
給過穀肆百零叁石伍升又松坎等處極貧來領者
壹百叁拾貳戶共男婦大口肆百伍名口每名口加
賑兩月穀折銀叁錢共給過銀壹百貳拾壹兩伍錢
小口叁百伍拾陸名口每名口加賑兩月穀折銀壹
錢伍分共給過銀伍拾叁兩肆錢次貧來領者壹百
陸拾叁戶連聞賑歸來壹拾捌戶共壹百捌拾壹戶
男婦大口伍百肆拾叁名口每名口加賑壹月穀折
銀壹錢伍分共給過銀捌拾壹兩肆錢伍分小口肆

百壹拾壹名口每名口加賑壹月穀折銀柒分伍釐
共給過銀叁拾兩捌錢貳分伍釐內在川江續獲淹
斃大口壹拾叁名口每名口給銀貳兩共給過埋葬
銀貳拾陸兩小口十壹名口每名口給銀壹兩共給
過埋葬銀壹拾壹兩以上賑卹加賑暨房屋修費埋
葬等項共用過銀貳千壹百伍拾伍兩貳錢在於司
庫兩浙節年起解協黔兵餉收存附解加平銀內動
支照數發給領辦其動用過常平倉穀伍千貳拾陸
石玖斗伍升在於司庫收存協補穀價項下動支發
買自道光十二年起察看收成豐稔分年買補還倉

取結報銷竝據稱均經護貴西道朱德璉督同遵義
府于國琇署桐梓縣王鎮疆暨委員署正安州柏中
燧署綏陽縣陳鰲先後親身散放俾災黎均沾實惠
竝無虛冒等弊又東蘆溱夜四里水冲沙壓糧田共
壹千叁拾戶惟田被水淹稻穀顆粒無收所有本年
應完錢糧銀陸百叁拾壹兩貳錢伍釐玖毫改徵米
壹百捌拾伍石叁斗叁升肆合玖勺奏准照例蠲免
貳分銀壹百貳拾陸兩貳錢肆分壹釐貳毫米叁拾
柒石陸升柒合其餘捌分銀伍百肆兩玖錢陸分肆
釐柒毫米壹百肆拾捌石貳斗陸升柒合玖勺緩至

道光十二年秋收分作二年帶征以紓民力竝據各該縣造冊具結竝各委員出具印結由該管府道覆核加結移送到司所有造送災民用過銀兩倉穀及應納糧銀分別蠲緩帶征各清冊竝印加各結詳請查核具題臣覆核無異除冊結分送部科外臣謹具題等因前來查定例被災地方賑濟口糧大口日給米伍合小口貳合伍勺銀米兼給穀則倍之被災柒分者極貧加賑兩個月次貧加賑一個月又例載貴州省水冲民房修費銀瓦房每間捌錢草房每間伍錢淹斃人口埋葬銀每大口貳兩小口壹兩又凡水

旱成災地方官將災戶原納地丁正賦作爲十分按災請蠲被災七分者蠲正賦十分之二各等語查此案前於道光十一年七月二十七日奉

上諭嵩溥奏查勘被水情形分別撫卹一摺桐梓縣城廂內外被水情形甚重災民奔避山坡松坎等處併損傷村民多名實堪憫惻該撫已飭碾動常平倉穀按戶散給口糧並設粥廠煮賑著俟水退時卽督飭應委各員趕緊詳細查明被水戶口及淹斃人口若干給與修屋殮埋之費該撫務當認真經理總期帑不虛糜民沾實惠等因欽此又於道光十一年十月三十日奉

上諭嵩清奏查明被水災民賑卹完竣一摺貴州桐梓縣
本年五月城廂內外及松坎等處被水經該撫查明散
給口糧煮賑加賑並給與修屋殮埋之費其水衝沙壓
糧田業經各戶自行出資挑挖修復惟田被水淹稻穀
顆粒無收所種雜糧僅堪糊口核計成災實有七分所
有本年各戶應完錢糧銀陸百叁拾壹兩零秋米壹百
捌拾伍石零著照所請加恩准其照例蠲免貳分其餘
捌分緩至明年秋收後分作二年帶征以紓民力所有
用過賑卹修費埋葬等項銀兩准于司庫兩浙節年起
解協黔兵餉收成附解加平銀內動撥還款仍歸賑卹

案內報銷至桐梓縣常平倉穀被水霉爛漂失及賑粥撫卹加賑動用所缺穀石准于司庫收存協補穀價項下動支發買自道光十二年起察看收成豐稔分年買補還倉取結報銷欽此今據貴州巡撫嵩溥題報桐梓縣城廂內外並東蘆溱三里及新站松坎等處被水成災分別極貧次貧賑粥撫卹加增口糧暨房屋修費埋葬等項共用過銀貳千壹百伍拾伍兩貳錢在於司庫兩浙節年起解協黔兵餉收存附解加平銀內動支其動用過常平倉穀伍千貳拾陸石玖斗伍升在於司庫收存協補穀價項下動支發買各等語

臣部按冊查核與該撫奏准原案竝核與應給撫卹口糧銀穀以及瓦草房屋修費埋葬等銀之例均屬相符所有用過前項銀貳千壹百伍拾伍兩貳錢應准開銷至動用過前項常平倉穀伍千貳拾陸石玖斗伍升應令該撫轉飭查照奏准原案自道光十二年起察看收成豐稔分年買補還倉取具結收按年報部核銷又東蘆潦夜四里水冲沙壓糧田共壹千叁拾戶據該撫疏稱惟田被水淹稻穀顆粒無收所有本年應完錢糧陸百壹拾壹兩貳錢伍釐玖毫改征米壹百捌拾伍石叁斗叁升肆合玖勺奏准蠲免

貳分銀壹百貳拾陸兩貳錢肆分壹釐貳毫米叁拾柒石陸升柒合其餘捌分銀伍百肆兩玖錢陸分肆釐柒毫米壹百肆拾捌石貳斗陸升柒合玖勺奏准緩至道光十二年秋收分作二年帶征等語臣部查與定例被災柒分蠲免貳分之例相符所有送到印甘各結備查外應令該撫卽飭分別緩征帶征以紓民力仍令按年造入地丁奏銷冊內送部查核等因道光十二年十二月十八日題十九日奉

旨依議欽此道光十二年正月初六日

上諭上年貴州桐梓等縣被水歉收業經降旨分別撫卹

蠲緩散放口糧小民諒可不致失所惟念今春青黃不接之時民力未能饒足着加恩將桐梓縣等處查明實在貧民或借給籽種或減價平糶該撫卽刊刻謄黃徧行曉諭務期實惠及民益饒生計用示朕新詔布闔軫念民依至意該部卽遵諭行欽此

道光十四年三月遵義縣沙溪里水災官爲賑卹
十四年十月十八日欽奉冊立

皇后恩詔內開

一各省老婦有孤貧殘疾無人贍養者該地方官加意撫卹毋令失所

十四年十月二十一日欽奉加上

皇太后徽號恩詔內開

一各省人民有孤貧殘疾無人贍養者該地方官加意撫卹如無廬室棲處該地方官酌設棲流所以便棲處
道光十五年十月初十日欽奉

恩詔內開

一軍民年七十以上者許一丁侍養免其雜派差役八十以上者給與絹一疋棉一斤米一石肉十斤九十以上者倍之至百歲者題明給與建坊銀兩

戶部爲傳付事貴州司案呈道光十五年十月二十

日准江西司傳付內開內閣抄出山東道監察御史
况澄奏豁免錢糧請嚴剔弊端一摺道光十五年十
月初八日奉

上諭御史况澄奏豁免錢糧請嚴剔弊端一摺本年恭逢
皇太后六旬萬壽前經降旨普免道光十年以前民欠錢糧
該將軍督撫府尹等自應仰體朕意嚴飭所屬核實辦
理若如該御史所奏各省于應行豁免本款或先期徵
存不行流抵或既奉蠲免不爲扣除或以官虧捏報民
欠吏胥等又復從中侵漁是以實不能及民徒飽官吏
之蠹此等情弊實難保其必無着各直省督撫等認真

查察務將應豁各款核實清釐分別在官在民將來開單具奏奉旨豁免後卽照單開豁免各數分晰條款刊刻謄黃俾小民共見共知并照例按戶付執免單倘有官吏影射及蠹役奸胥把持需索等弊一經發覺定將該管官及該管上司一併從嚴懲處决不寬貸將此通諭知之應傳付貴州等司赴司恭錄自行行文各該督撫等一體遵照等因前來相應抄錄原奏行文貴州巡撫速卽轉飭一體欽遵辦理可也

道光二十年六月大雨桐梓積水壞閭舍禾稼貴州巡撫賀長齡捐銀貳百兩知府黃樂之柒百兩署縣

甘雨施伍百兩賑之

拉檔冊

養濟院附

棧畱所育嬰堂附

遵義縣養濟院 在城東門外明萬厯三十二年建

孫陳二志以後修補未詳

國朝嘉慶間存瓦屋十五間院門三間漸就傾壞道光四年署知縣武占熊重建

額養孤貧二十七名大口二十小口三十月給米貳斗肆升

鹽柴銀壹錢伍分小建遇閏加增冬給綿衣袴各一

價共玖錢玖分小口日給米五合衣袴價減半各屬同

歲共支米柒拾叁石貳斗肆升貳合每石合銀六錢六分六釐鹽

柴銀共肆拾柒兩柒錢玖分衣袴工料銀共貳拾伍

兩二錢四分五釐向係知縣先行墊支報銷後請領歸款

棲留所

在東門外在城塘側

年

建現在草房十五間

收養額外孤貧三十名道光十五年二月欽奉

恩詔增設四十名共七十名十八年知縣楊書魁增設五

名共七十五名每年口糧俱知縣捐給

並檔冊

養幼堂

在府署儀門右垣外道光十七年知府平

翰創草屋數間收孤貧幼子常百餘人自行捐養冬給絮衣各一隨勸捐議建堂未成去十九年知府黃

樂之復勸捐以啟秀書院後隙地建堂及東西兩廂
房廳門垣庖廚什用各備於二十一年落成以捐銀
四千餘兩置產收租用資養贍其章程長恤四十人
人月京斗米斗二升收男五歲至十歲女四歲至十
二歲者男養至十二歲女至十四歲放之以後來者
補半恤四十人歲自十月朔始收男至八歲至十二
歲女至十四歲者滿一百八十日放暫恤百日四十
人自十一月朔始寒恤六十日四十人最後收半恤
人月米八升自下遞減二葉錢銀並月三分惟寒恤
無亦無衣褲錢中設男女師教之以二十一年十月

望爲始

附黃樂之撰養幼堂記

國家保息之政十其五曰養幼孤於京師則廣渠門之育嬰堂

聖天子發水衡立產業以供撫哺之費於直省則責有司倡好義廣惠濟俾中外一體咸遂其生德至渥也遵義嚮無舉養幼者前守山陰平翰始收窮赤無歸者出廉俸飽之煖之慮不繼乃與僚吏暨邑紳募眾助期于永久旋以事左遷去不獲載厥功余已亥秋來爲守見平君所募簿已有緒卽思踵成

之時適一二義舉不容已頗分地方財力至去年
秋乃行勸募合官民捐者僅得金若干以請於大
中丞賀公公曰善無廣狹惟其力功無大小惟其
成小以就小可也且小就不猶愈於無乎抑又焉
知後不因此而擴大也爲政亦盡吾力焉耳爰卽
捐數籌以十之九措養費以其一爲之居相隙地
一區當府署右垣外方若干丈是基是室自二月
廿日始工六閱月而工就計若堂若廳若東西廂
及房若庖湏倉溷凡爲屋若干間男女有分役甬
有埒曝貯春爨有地飲食寢息百應用有具收養

一切別勒章程而榜之曰養幼堂暇日偕僚友及諸人士落之仰思

國恩俯念民賴嘆身爲民父母僅僅爲百十嬰孩謀一飯地而有平君創端於前諸紳寮協心力於繼且經數年至今日而始成若此則亦何事不滋媿哉然余有爲地方人士告者今此舉雖小就不猶愈於無乎中丞公爲此邦計生養期百世利益深厚矣他日能擴大與否未可知卽以今所就而論天下事無久振而不衰無長美而不弊養幼章程行之或數年或十數年必有減尅日費削錐末以爲

利者又必有虛列人數以實銷穀數者又必有私庇隱託塞據者皆有依之兒而待死孤孩反不能沾半粥者如是則此小就者亦敗壞不可恃又焉望擴大爲哉維持之使不弊弊而復振之使不衰此爾諸人士之責也誠能永永無斃爾諸人士旣充其怵惕惻隱之良而此曹哺其間者咸日有所長以副

聖朝熙熙皞皞無生不育之化其爲惠濟豈有窮哉故書以爲記

附府詳府地遼闊人戶密稠每遇隆冬無倚幼穉

沿街求乞殊堪惻憫雖經府縣捐廉撫恤然舊章
僅至春暖卽行停止極幼之孩仍屬無歸總非長
策十九年秋與所屬州縣及紳士公商廣爲勸捐
以重久遠共獲銀五千四百七十兩二十年春建
房屋共二十七間名養幼堂除地基工料及置器
物用銀外實存銀四千七百七十六兩陸續置產
收租其一切事宜應官經理者官任之應首事經
理者首事任之其詳有養幼堂章程分門編載著
爲定規

二十一年八月十六日貴州巡撫賀長齡奏遵

義府官民捐建養幼堂並置產以資經費事查道光十五年接准吏部咨開士民人等樂善好施捐銀以備公用二百兩以上給與應得議敘等語今遵義府捐廉倡率士民建堂買產牧養幼孩急公可嘉並勸捐督辦之舉人生監懇

恩俯准分別議敘以示鼓勵九月十六日奉

上諭賀長齡奏官民捐建養幼堂並置產以資經費請分別議敘一摺着吏部議奏此項工程免其造冊報銷該部知道欽此欽遵抄出到部該部議得應將捐銀三百兩之遵義府知府黃樂之前任遵義縣告病知縣

涵光泰正安州知州壽元渭綏陽縣知縣宗璟仁
懷縣知縣張承霖等各給與紀錄一次僅係勸捐
督辦出力之舉人李蹇臣應給與紀錄二次捐銀
一千兩之監生王顯揚應給與鹽運司知事職銜
捐銀三百兩之俊秀羅廷芳周國佐楊正槐劉實
菴等各給與八品頂戴僅係勸捐督辦出力之生
員晉廷榮張雲標廩生韓道藩監生徐汝玉等各
給與九品頂戴等因具題十一月二十四日奉
旨依議欽此

正安州養濟院 在

萬曆三十五年建

孫志

今廢陳自志

國朝乾隆嘉慶以來有收養殘廢孤貧四名每年每名

口糧鹽柴衣褲等銀俱係知州捐給未領項

蘇州採冊

額養孤貧四名歲共支米拾壹石叁斗貳升捌合鹽柴衣袴銀拾壹兩肆分知州先行墊支報銷請領歸款

又額外孤貧五名道光十五年欽奉

恩詔後知州周溶增設二十名共二十五名每年口糧俱

知州捐給

並冊

桐梓縣養濟院 舊在北門外一里萬歷三十五年

建志
孫今廢陳志

國朝康熙二十一年遵奉

恩詔改建于治南縣志中間修補未詳嘉慶時存草屋五間道

光十九年知縣鹿宗重葺

額養孤貧一十四名歲共支米叁拾玖石陸斗肆升捌合鹽柴衣袴共支銀叁拾捌兩陸錢肆分俱係知縣墊給報銷後請領歸款並備冊

按舊冊載桐梓孤貧口糧係于存倉穀內支銷改定章程未詳所始

棲留所 在

收養額外孤貧十四名道光十五年欽奉

恩詔後知縣敖右賢增設三名共十七名每年口糧俱知

縣捐給

普濟堂

舊設在東門內節義祠右今廢

縣志

育嬰堂

舊設與普濟堂並今廢

同上

綏陽縣養濟院

在崇文街前明萬曆三十五年建

孫陳
二志

國朝乾隆二十四年

以前補未詳

知縣陳世盛修補凡三間旁

有普濟堂三間傾圯亦世盛補修

綏陽志

今全圯

縣志

額養孤貧十四名歲共支米叁拾玖石陸斗肆升捌

合鹽柴衣褲銀叁拾捌兩陸錢肆分向係知縣墊給

報銷後請領歸款

同上檔冊同

又額外孤貧四名每年口糧該縣捐給

冊檔

育嬰堂

雍正三年知縣黃燾世建以螺水寺田租

穀十五石爲收養嬰兒之費後以綏邑無遺棄嬰兒

厯任將所收租穀變作賑恤之用

綏陽志

堂今圯

詳

仁懷縣養濟院

在北門外萬厯三十二年建

後陳志

國朝以來修補未詳嘉慶來存草屋三間

額養孤貧七名歲共支米拾玖石捌斗貳升肆合于該縣官莊內支給鹽菜衣褲銀共拾玖兩叁錢貳分

係知縣先行墊給俟報銷後請領歸款

又額外孤貧三名道光十五年欽奉

恩詔後增設孤貧三名共六名每年口糧俱該縣捐給

棲畱所

在縣

建嘉慶來存草屋三間

向係安插軍流人犯棲止

附官田

仁懷縣入官田壹百叁拾伍畝捌分陸釐

陸毫柒絲柒忽

上田柒畝中田拾壹畝下田壹百壹拾柒畝捌分陸釐陸毫柒絲柒忽

招佃收租歲納租穀肆拾貳石捌斗玖升除支給孤

貧口糧叁拾玖石陸斗肆升捌合折米拾玖石捌斗

貳升肆合外餘穀叁石貳斗肆升貳合折米壹石陸

斗捌升壹合每石變價銀捌錢伍分其變價銀壹兩叁錢柒分捌釐解司充餉

茲檔冊

漏澤園

遵義府漏澤園 在治東十里演武場左萬厯三十

六年知府孫敏政置有碑

孫志今碑亡 按

遵義縣寒林

在北門外萬厯末置有碑

同上今碑亡 按

今廢

陳志

今城東鳳山左右皆官地聽民阡葬唯文廟

後山及左右有禁

冊

義塚

在城南門外有碑

同上

正安州漏澤園

在城北一里萬厯末置

孫志

桐梓縣漏澤園

在城北一里萬厯三十七年置

陳孫

二志一在毛家營

縣志

綏陽縣漏澤園

城東城西凡三所俱萬厯三十六

年置

孫志

仁懷縣漏澤園

在南門外萬厯三十二年置

孫志

通志卷十五